








zwen riss/in allen spitzigen bletern die von den zirkellinien worden sind/ also setz den zirkel mit dem ein fuß in den puncten.g. vnd reiß mit dem andern/den ersten riss in dem spitzigen blat gegen.f.a.) Darnach setz den zirkel in den puncten.x.vñ reiß mit dem andern fuß aus dem Centru .a. im vor gemelten blat den andern riss/ also thu im durch alle sechs spitzige bleter / vnd such diser riss centra/ in den puncten der buchstaben der spitzigen blettern. Es sind auch zweyerley steren zu reissen aus ein fünf eck/vñ sibeneck/thu im also/reiß zirkellinien vmb ein fünf/vñ auch vmb ein sibeneck. Darnach setz ein zirkel mit dem einen fuß in der pünckten einen/ der im zirkelriß stett/vñ thu den andern fuß so weit auf/das er die zwen negsten puncten in den seiten rür/vñnd reiß rund von ein zum andern/ also far zu rings herumb/dz thu im fünf sibeneck teylen / so sichstu was dise riss für zwen steren machen Wie ich solchs alles hernach auffgerissen hab / auß sollichem wirst du geursache vil anders meer zu zihen. Es ist auch vil seltsams maßwerchs / durch die drücker des zirkels zu reissen.



**H**ernach will ich etlich ecker figuren zusamen versehen/wie man sie in ein estrich ein bringe en mag/ Erstlich die driangel sind som bey den zirkellinien angezeiget/ aber doch wil ich sie hernach außserhalb der zirkellinien auffreissen/ vnd durch eyn andre weis leren an eynander setzen. Erstlich also ich setz/ 6/driangel mit iren ecken/ in eynem Centrum /a/ zusamen/ Darnach setz ich außsen auff ein yeliche seitten der /6/driangel wider in solchen driangel/ Darnach zeuch ich die eck der driangel außsen mit linien zusamen / so sind es auch driangel/ darnach mach ich wider auß die seitten driangel / also für vñ für

Noch mag man die driangel also zusamen stellen/ das auch kein selt darzwischen bleybt/ so die driangel verruckte werden/ also das alweg eyn eck eynes driangels mitten vnder des anderen seitten kum/ Wenn man sechs driangel mit iren spizen zusamen setz/ so würt eyn/6/eck darauß/ danach mag man vberal driangel daran hengen/

§